



國家清史編纂委員會・文獻叢刊

清代詩文集彙編



國家清史編纂委員會・文獻叢刊



清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六一四

野趣園詩文集二卷 張繼灝 撰

讀秋水齋詩十六卷 陸黻恩 撰

讀秋水齋文六卷 陸黻恩 撰

小石渠閣文集六卷 林昌彝 撰

衣讎山房詩集八卷 林昌彝 撰

暖春書屋詩刪三卷 方 俊 撰

燹餘雜詠二卷 伍承欽 撰

求是齋文存二卷求是齋詩存二卷 彭崧毓 撰

香南居士集二十一卷（澹園集一卷司勳集一卷匏繫集一卷楓江集一卷

遂初集一卷深雪集一卷漫與集一卷寒竽集一卷蒯緱集一卷歸閒集三

卷拾得集一卷瞻園集一卷楓江後集一卷孤蓬集一卷課蔬集一卷喜雨

一

二二

一三三

一七七

二六五

三六三

四〇一

四五五

集一卷聽雨集一卷養拙集一卷尋樂集一卷）愛新覺羅崇恩 撰

五四一

劫餘勵存三卷 李承霖 撰

七二五

野趣園詩文集

長白
寶熙

序

臨清與吾鄉故皆州區地濱運河一水可通又同直隸省治故兩地之人情尤
曠近臨清人每稱吾鄉爲南州者也顧其人類皆質直伉爽不役役於利祿名
位之事自明謝四溟以布衣稱詩爲嘉隆七子之冠州人化之此後數百年來
以詩名於海岱間者指不勝屈清版同中張先生廉泉其尤著已先生以道光
戊戌舉禮部試官中書十餘年出爲江西建昌府同知者又數年叙勞以知府
升用時先生年甫踰艾仕宦不爲不遇而先生淡退由於天性一遭母憂回里
遂終不再出日以學行文章倡導後進歷主州邑鄰近各書院講席視聽意興
如壯時至八十六而考終蓋上距解組之期已三十餘年矣嗟乎先生之行如
此而先生之詩可知也吾觀古之善爲詩者皆不自命爲詩人者也必其胸次
踐履有餘於詩之外者而詩乃可貴若苟求工詩而已日敝精神於四聲五七
字之間用以譁世炫俗驟觀之未嘗不鯨鏗鴻麗然而言不顧行詞不達意一

野趣園詩文集

序

校其中之所存則有索然無味者反是以觀而先生之詩可知也先生以名進
士宦游京外早賦歸田隱居自怡不廢吟詠故先生之詩先生之爲人也今觀
集中所有胸懷夷曠抒寫自如具天趣而去雕飾格意多與白陸爲近然先生
亦非故效乎白陸也蓋其胸次踐履超然利祿名位之外車塵而陳自饒冲澹
詎必圖香山而畫劍雨乃足以盡詩之能事乎先生詩之可貴如此其他記序
之文皆有法度而勝者尤在詩今哲嗣紹泉擬並刻以問世乃介肥城尹君瞻
五請序於余余維今去先生之沒又四十年世變日新老成彫謝不惟先生之
爲人渺然不可復覩即此微和澹遠之詩鄉之後進亦未聞有起而嗣響者余
少歲即企先生之名而未悉其詳輒以爲憾今得先生之詩而讀之微然而清
秩然而有序隱然而有人心世道之憂篇什雖少令讀者有惟恐其盡之意知
其蘊於中者深而餘韻流風乃彌以動人景慕矣夫制行如先生誠不待善詩
乃貴然觀其詩愈可以知先生之爲人也所惜稿非先生自定故無名稱體例

先名之曰野趣園詩者以文中有此記從先生之志也其他行次字句待審正者尙多是在紹泉之懷於從事耳紹泉以讀書而居京師故不費獨參於今人之撰著必欲授梓以永其傳亦晚近之所難者已余亦忝然人子而目視先祖父兩世遺書限於資力不克一爲校印終亦日就湮滅已耳較諸紹身其賢不肖爲何如耶序先生之詩爲慰然自愧也夏正丁卯十月濟甯後學王謝家謹序

野趣園詩文集

序

二

序

司空表聖之品詩也次疎野於縝密曰惟性所宅眞所弗羈又曰若其天放如是得之非其得於野者由性眞而馴致天放乎陶淵明之賦歸去來也曰園日涉以成趣又曰策杖老以流憩非其趣之成者爲歸老之退步乎己巳季秋臨清張君少泉介族弟幹者以尊甫廉泉先生野趣園集見示冲夷而澹遠悽惻而纏綿篇帙無多而情韵不匱眞詩人之詩古人之文也先生以名進士歲歷中外於古人服政之年退居林下從游者三十餘載時比之於表聖之居王官淵明之隱柴桑論者謂寧野毋華其趣勝也夫詩者言語之所流露也文者文學之所表見也然非根之乎德行發之乎政事而作爲詩文不能登大雅之堂而無愧色本末內外有較然不欺者矣先生於道光戊戌成釋褐與會文正公爲同年反而詩文集亦同以少而逾賞者見珍於士林蓋根德行發政事者不得以名位不同竟存軒輊况求退不能文正屢引爲憾事出處之間與古爲徒

野趣園詩文集

序

三

固有不能不推讓先生者名位云乎哉庚午夏仲平陰晚學朱名紹拜序

序

予交臨清張君少泉久夙耳其先君廉泉先生名不獲一親手采深以爲憾某月日少泉來讀其先君詩文一帙問序於予予不文况筆硯久荒曷敢言序然以與少泉友誼故亦未敢固辭長夏兀坐把卷沉吟轉轉然不忍去諸口其詩則庚之清麗之俊李杜之光芒沈宋之龜鑑其文則潘之江陸之海王劉之樣謝安之碎玉班馬屈宋之摘鬢薰香皇皇鉅製得助江山漢唐以下罕有儔匹矣吾讀先生之詩之文即以知其品性之純厚養之粹並不僅以區區文字見長而文字乃發揮其胸襟之擴張釋其志氣之遠也昔臨清謝榛刻意爲文詞有聞於世遊京師時李攀龍王世貞輩與之結社推爲領袖秦晉諸王爭致之大河南北咸稱爲謝榛先生臨清大阜廣袤汝衛中流繁穢笑峙山水奇絕代產名流先生居臨清之林家園樹山水之菁華發爲文章抑亦謝榛先生之嗣音歟時會所趨新式文化代舊式文化蟬蛻而生文明之機變遷靡

野趣園詩文集

序

四

定先生之詩之文其爲舊式中告朔餼羊也夫戊辰仲夏襄陽馬德潤謹序

序

先生所作碑文記敘援引博洽淵懿模稜行文如史漢唐宋諸大家固非時文所能及遂並搜檢古詩數百首輯成一帙會萃漢魏六朝三唐兩宋之體裁無不並採其風華進復細譯其詞剛健婀娜兼擅其長異顧謝之孤高同徐庾之流離固不僅以淡遠相尙濤去浮靡之習所謂情真詞切不着一字盡得風流者皆由其天理治藩天機洋溢純任自然不假修飾渾若絳雲在霄有舒卷自如之意又登學爲帖括泥於章句者所可同日語故書曰詩言志歌詠言興先生詩言志之和平乃益歎先生學問之深不可測先生人品之高爲不可及也後人之讀此詩者諒莫不有興感之懷思雖鄙陋弁數言於簡端以誌景仰之忱云

中華民國十四年歲次乙丑端月上浣新馬湖恩頓首拜序

野趣園詩文集

序

五

歲月驚驚鼓箭時煙波憶釣青喜是麻姑新醺熱開曹無事任狂歌
平西戍守雨中得句

驛樓鎮日雨瀟瀟無計黃昏慰寂寥江上烽煙猶擾攘客中行李已蕭條風吹
寶角回征雁漏轉殘燈夢早朝驚掃妖氛酬 聖主平生壯志未曾銷

奉 旨以知府升用紀 恩兼以述懷

忽奉 丹綸降自天小臣感激受 恩偏頭銜許比二千石髮髮爭如半百年
壯志未銷思殺賊癡情所願是歸田潢池未靖難言退空玩淵明賦一篇

冬至前一日廣昌道中作

去年此日袁江浦捧檄今年在豫章兩載征塵消歲月一肩行李絕風霜崎嶇
路上山茶白高下村邊木葉黃柳往雪來詩載詠懷無佳句付奚囊

吁江曉行

千戈不擾此江鄉得行來趁早涼正是雨餘天氣好南風吹送稻花香

野趣園詩文集

卷上

三

廣昌有感 五月二十二日亥刻發水由柏水冲破城垣衝著縣官僅以身免幕友淹沒

捧檄往來記去年平西戍鼓靖烽煙何因一夜洪濤起昔日城垣半是淵

任城有感 時秋間報捷

年年客裏誤重陽小住任城當故鄉正對黃花思把酒俄傳丹桂道飄香

野趣園

三年但飲野江水十稔飽看上苑花紅日上窗春睡起纔知有味是田家
漫說新居勝故居秋風不爲戀鱸魚少年結習老成癖一領青氈數卷書

讀高密李十相詩愛其沖淡尚永傲而爲之作生子詩 丁巳三月一日

百事居人後何嫌得子遲暮年祇憶意春日夢熊時譽汝珠擎掌餘余雪染髭
父老猶可謂幸勿墮門楣

生子詩 二月三日生子年已五十八矣口占以志

野趣園詩文集

嗚嗚聲聞出後庭人方呼我添丁 是年蘭 蘭芽已兆桂中月 元且內人事新日
蓬矢還占天上星 是日爲文 六十年華雙鬢白百年心事一旌青癖情欲了向
平願馬齒增來又幾齡 昌蓋

除夕聞邸抄有感 時張石卿升登貴制軍程原叔升西品京堂劉沛泉沈小梅兩放廣府
柏葉椒花譙歲除癡兒嬌女夜歡呼讓他得意青雲客未必身閒似老夫
初春訪陳石琴話舊感賦

案居日日感離羣往事風流最憶君花塢留香香不斷河樓玩月夜平分琴食
勝會名流集絃管清歌別院聞故榻猶懸塵積滿蕭蕭獨恨對斜曛

其二

勝日相尋不憚勞星兩鬢各蕭蕭怕逢熟客身多懶爲遇故人興自高在昔
元龍標意氣於今仲蔚隱蓬蒿憐渠離鳳清聲遠好向雲霄振羽毛

野趣園詩文集

卷上

四

口占七律 余新年六十歲悠悠忽忽回首往事其如夢中也

悠悠兩萬一千日甲子回頭六十年自有殘編消歲月全將往事化雲煙夕陽
尙駐桑榆影結習惟餘翰墨緣靜坐焚香讀周易須知寡過勝逃禪 老年氣概既
衰多有拜佛參禪以自懺悔者豈知假年學具之效我夫子乎

兀坐

蕭然一榻暗塵凝兀坐真如退院僧自歎未能忘結習白頭還對讀書燈

紅葉

霜林搖落變新紅點綴秋光見化工老去歸根應更健勝他濃豔媚春風

白髮

少年不知老終日但勞勞曉起封明鏡何緣見二毛
紅顏誰不愛白髮還相欺壯志猶如昨愁看兩鬢絲

中秋對月

紅顏誰不愛白髮還相欺壯志猶如昨愁看兩鬢絲

一簾秋水夜光寒寶鏡當頭獨倚欄難得今宵好月色十年兩次故鄉看
飽飯黃昏便掩關村居恰似住深山最憐一種團圓月半照江鄉戎馬間
除夕占口

歲月去忽忽新年六十翁不知增老態依舊醉春風爆竹催殘臘琪花照遠空
時方五更爭早起心事羨兒童

題陳石琴畫扇

浪迹江湖任去留嫩芽春水荻花秋生平不肯低雙眼盼得清流與濁流

重陽前一日持簪飲酒俄而狂風驟舉雷聲轟轟不絕僅未雨耳詩以誌

之

風狂雷迅近重陽柿葉新紅菊未黃賴得佳人藏有酒可憐公子竟無腸千村

纓經秋將老六十年華體尙強何處捷書傳露布一枝丹桂正飄香
時秋闈揭曉向無喜報

野趣園詩文集

卷上

五

重陽節風雨無聊及門陳生嗣昌郭生攀桂並攜秋閑徐生蔭台亦列副

車詩以誌喜

風風雨雨度重陽一陣飄來丹桂香尙訝喧傳由道路俄驚並列在門墻蕭條

白髮憐余老翹步青雲望爾長幸際上元方啓運從今報國是文章

六十歲生子詩以誌喜 十二月初四日

弄瓦半生忽弄璋琪花映日有輝光
連日清露是日清明人留缺陷天能補兒產上元運

必昌且向桑榆娛晚景敢言家世繼書香東坡吉語我能記總不聰明也不妨

後詩人皆生子愛聰明我輩聰明候此生何願我兒且且無災無難到公卿

其二

已是衰年萬事輕懸弧差可慰平生膝前縱落齒後世上先除伯道名過眼

雲煙憶我老傳家香火兒成干戈擾擾殘書在遺子何須金滿囊

其三

臘鼓聲聲逼歲新居然老樹亦生春有才何事誇吟絮問歲但求能負薪稱賀
門多青眼客承歡家有白頭人癡情若作倉山叟還有向平欲了因
袁簡齋六十七歲

謝萬阿送完姻

八月初飲天監寒日月合璧五星聯珠主期陰雨竟日盛而有賦

潢池無處不生波容易光陰半載過薄施天口勞上將暫寬文網培么魔豺

狼遠遁烽煙少星月交輝符瑞多合璧聯珠何處是想因洗甲雨滂沱

中秋紀事
辛酉二月晦縣食食散開各處燈結起放火幾人陷城十餘處處劫民不聊生縣官保督帶大兵勦捕並釋首逆宋景詩等子而謝萬阿力於是時

城新邑最安一時亦不得已之計也中秋前從進多人半微還鄉由臨渡河而過

網漏吞舟漢法寬秋來何幸得平安舉家漸覺驚魂定世事真堪側目看首逆
翻能逃奔賊備奴盡許列衣冠招降漫謂非良策殉國忘身自古難

野趣園詩文集

卷上

六

除夕偶成

花甲重周又一春望稀已是四朝人擁書尙戀青氈舊攬鏡頻驚白髮新任令

投閒消歲月敢言垂老倦精神屠蘇飲罷不成寐爲聽曉鐘拜
紫宸林下八年元旦必望闕行禮

元旦試筆

同治元年歲次壬戌

宦海無從問渺茫悠悠身世幾滄桑且隨父老觀新治難得露花在故鄉捷報

頻聞傳布妖氛何日掃捷槍昇平想共鴻鈞轉厭厭惟愿祝上蒼

元旦立春天氣晴明纖塵不起喜是太平之兆爲詩以誌

元旦晴明兼立春居然淑氣轉鴻鈞普天盡聽金雞唱
元旦應率上不飛野馬

塵家食敢稱清白吏餘年願作太平民履端喜光豐年象擊壤能無頌
聖神

壬戌正月六日小齋雅集即席有賦

故人零落半滄桑

香曉石琴年六十二歲

座上雲林無俗韻

盤中首宿有餘香

香曉三人
均官廣文

萑苻飲迹神方定樽酒談心話正長此後光陰須

愛惜東風不管滿頭霜

讀劍南集有六十二翁吟依其韻和之

簪毫竹侍九重天橫梁親摩江上船賴有田園娛晚歲肯爲富貴失神仙新詩

吟罷無人賞舊雨不來轉自憐六十二翁何所事春風日日醉花前

太白詩富
貴與神仙
兩失

趁此成

除夕偶成

又過六十四除夕馬齒浸加鵝髮長有子差勝鄧伯道閨人儼是魯靈光春風拂面寒威減蠟鼓驚心歲事忙準備五更須早起告天還要夜焚香

元旦試筆

野趣園詩文集

卷上

七

年年元旦試新筆今日今年筆又新本以投閒消歲月翻因垂老健精神田園

已遂平生願杖履從爲自在身一領青氍三十載眼看桃李又成春

時受業
者衆

乙丑正月十三日記事

新年陰多晴少雨雪間作是日朔風怒號雪霽電影
滿室一時爲六十年來未見未聞之平時以紀之

已是經冬雪未消同雲漠漠暮連朝繽紛滿地風齊卷霹靂驚人電正飄失箸但聞當夏令打燈偏是近元宵陰陽變理何人事異事無端出 聖朝

此翁

此翁兩世閱滄桑日日聰明體尙強見客威儀都脫略隨身杖履自徜徉每逢野老占晴雨那管塗人話短長獨有春風閒不得邇來桃李滿門牆

六十五歲初落一齒爲詩以誌並自警也

落葉辭故枝知是秋風起人身小天地盛衰同一理昔在年少時肌膚正豐美翩翩似神仙紅顏兼皓齒蹉跎六十年忽忽吾老矣頭顱半霜雪容顏非昔比所恃齒牙強見肉思染指屠門時大嚼儕輩爲驚喜無端忽棧觸一齒搖不止

野趣園詩文集

日日相齟齬盛饌甘旨一日長別去絕交從此始其餘幸勿恙倘堪供驅使此後慎提防一毀勿再毀珍重百年身無齒良可恥

齒痛戲作

薄俗驕高才能牙兼利齒我本鈍拙人貪饕非所恥屠門恐大嚼不厭多且旨執憾吾家軍有完更無毀前年剩一箇餘尙安汝止近日復動搖吁嗟吾老矣老至原無妨盛衰物之理落葉霜林飛不見秋風起無奈將告辭銀穿痛不已編貝成參差見肉空染指因自維平生何所負於爾昔年據南宮餅啖紅綾美薄宦游西江謀以肉食鄙垂老臥蓬蒿亦未鑿樵樵相依若輔車豈與泛交比胡爲倖倖然不願供驅使每飯先齟齬無情乃至此我今與汝約汝其聽唯唯昏亡則齒寒汝何先自委居者應樂然行者任去耳飢來加餐餐渴來飲白水不養生疑肩軟飽亦可喜養閒當爾爾幾全終始不然或效尤棄汝猶敵麗吟詩苦挽留笑煞子才子 袁子才有留齒詩

野趣園詩文集

卷上

八

歲暮雪中紀事

時丁卯馬賊竄擾東將及一年大兵駐此道邊河上日久無功而有

滿天風雪凍雲垂歲暮猶聞戎馬馳驚句無心誇白戰老師何日報紅旂琪花照眼遙難辨鐵甲環身冷可知野老無謀偏獻策夜深思破蔡州時

連日大雪賊
寇伏不動乘
此機捕或可
出其不意

其二

土馬雲屯細柳營清源北望控神京兩河日冷旌旂色五夜天寒畫角聲羽檄飛傳申捷仗么魔遠竄忽縱橫津沱盛漲多神助一水強於十萬兵

賊寇既陽
思南望河水
甚不少

戊辰春逆捻竄擾東境風聲鶴唳處處告警城鄉練勇防堵官紳努力秋后一律肅清論功賞各叨 恩施余以衰老亦濫竽其間感 恩施

紀

七

清代詩文集彙編

八

陸訝 繪音降自空 恩波浩蕩及衰翁壯年悔作雕蟲技老去翻邀汗馬功
幾輩冰銜誇翰苑是誰冷署坐春風黃堂莫謂終無分博得虛名亦自雄
余在任南
肩保萬以知府
升用曾成書

及門黑生饋以羊腿一隻口占解嘲

談經敢比鄭公鄉桃李春風引興長莫更折腰爲斗米山中自有東脩羊

己巳元日試筆 同治八年

是否機槍已掃除新年纔得賦安居壯懷妄謂千秋業末路惟需一卷書遺興

不曾詩課減懷人還惜故交疎邇來七十又將到誰說古稀吾不如
未路於維一
卷書老年仕

門終日消遣
外無好事也

辛未元日試筆

盼到五更添一歲衰翁已過古稀年每懷舊友來心上且喜癡兒繞膝前杖不

野趣園詩文集

卷上

九

須扶偏耐老書猶能讀記難全春風桃李正含笑好待花朝絳帳懸

辛未大同書院偶成 同治十年

落落乾坤七十翁胸懷無日不春風興來幾度髭白醉後還教顏變紅袖報

君親空有願栽培桃李敢言功書生信是天成就眼未昏花月未聾

二子增兒生

七十曾聞從古少况逾七十更生兒獲麟吉語人爭羨詆憤深情自不知敢謂

科名能繼武且欣棣萼有連枝阿兄友愛關天性竹馬先言讓弟騎
生兒雖有弟
喜不可支

偶成 十一月二十七日

年來霜雪滿吟髭壯不如人老可知每歎光陰成過客且欣似續有男兒身名

詎作千秋想文藝黍爲一字師難得一冬三白見田家溫飽是深期

題胡松岩遺照

梧桐院落秋陰涼湖山小坐當匡牀茶鼎沸沸沸聲長斯人斯世真義皇先生

家世業縹緲羅胸萬卷富賈倉少年下筆能文章牛斗劍氣騰光芒有聲鉦鐃
列上庠雲開雁路思翱翔折桂未許學吳剛成均厥宜惟琳瑯兩河濟濟弟子
行一時英俊滿門牆春風桃李競芬芳談經人指鄭公鄉我昔小試戰文場弱
冠意氣正飛揚先生垂老未頽唐前茅並列相頡頏
龔字師歲試先生第一回頭四
余名第二同時食餼
十歷星霜吁嗟人世成滄桑丹青給出貌堂堂披圖想見魯靈光

七十一歲書辰及門製屏以祝醉后放歌

我思掛帆滄海東垂竿手挽扶桑紅我思躡足華山雲峯頭玩月白紛紛少年
妄想窮萬變頃刻樓閣都湧現彈指聲中七十年光陰一瞥如掣電故交歷歷
成千古閨人一一皆黃土年來萬事欠無多雙鑣是翁猶謂謝我有兩頃田東
畝與南阡以此給饋粥溫飽且終年我有萬卷書日居與月諸何假擁百城纔
是大丈夫我有老年兒讀書頗不癡邇來又添丁同氣更連枝人生所貴在適
意過眼雲煙都不記聖人從心吾不能百里佐伯亦多事薄宦歸來二十當年

野趣園詩文集

卷上

十

年桃李滿門牆僉謂七十自古稱稀壽相祝爲製錦屏張我謂祝壽從來皆誤

詞南山松柏亦何爲不如飲我一卮酒我自奉勸有惡詩君不見蟠桃一熟三

千年誰能瑤池會羣仙彭祖八百世所稱未聞白日能飛昇我於世事多潦草

無勞寄頌與善禱聞中試將甲子談安得相逢緣縣老

壬申元日試筆 同治十一年

蕭蕭衣冠拜祖庭精神猶覺似從前每懷舊雨兼新雨但願新年勝舊年寬句

請從元日起兆豐已向一冬口向平多累緣兒女况是呱呱擾夜眠

到館口占

依然桃李笑春風疊饌誰能如此翁在昔功名原潦草於今頭腦太冬烘霜華

壓鬢身垂老絳帳談文氣尙雄七十二年都過眼升沉何必問天公

辛未除夕

七十從心後悠悠又兩年四朝露萬事化雲煙薄醉屠蘇酒均分帶歲錢

滿村鳴爆竹高臥不成眠

戲贈陳石琴

歲歲言歸不肯歸
衡濱開煞釣魚磯
官衙畢竟多尊貴
一到家鄉是布衣
歲歲言歸不肯歸
年華已是古來稀
縱然二美皆尤物
爭奈齊眉有老妻
歲歲言歸不肯歸
知君口是卻心非
老農識得田園趣
二十年前早見機
歲歲言歸不肯歸
舊交零落故人稀
良朋好意相規勸
莫怪曉曉說是非

哀及門郭陳二孝廉

郭名舉桂陳名嗣昌甲子同登乙榜年甫強仕相繼逝謝愛為詩以哀之

層霄縹緲是蟾宮
歌鹿曾欣二妙同
上苑看花空悵悵
玉樓赴召太匆匆
忽與誰共訂千秋業
斯世豈無百歲翁
太息衰年知己少
不堪零落對秋風

哭及門張生元祥

生以對年入泮試輒前茅癸酉甫成均一病不起斯人新疾豈非命乎年二十八歲

陡爾傳凶訊
驚心似屢猜
一鳴方得意
二豎詎爲災
玉樹崢嶸日
金門著作才
招魂思剪紙
何處是泉臺

野趣園詩文集

卷上

十一

其二

言別無多日
臨歧話正長
十年依綠帳
一夢赴黃梁
枉入成均選
難觀上國光
彭殤真莫解
誰得問蒼蒼

其三

兄弟壺觴奏承歡
有老親樂哉惟此際
命矣歎斯人面壁功何苦
凌雲氣未伸
玉樓偷見憶地下
定酸辛

中秋寄懷陳與堂明府

清宵明月又當頭
四十年前感舊游
白首相知無幾輩
青尊獨對真中秋
冀黃事業君方起
寓鹿性情我自由
試看冰輪今正滿
仰宜爲倚故鄉樓

三兒生詩以誌喜

難兄難弟人爭羨
那知兄弟更遲遲

袁簡齋先生六十三歲生子命曰阿孫余六十四歲生子已不爲早今年適七旬連舉二雄其遲遲何如也

但望香能接武
敢言珠樹竟連枝
同懷定叶壺觴奏
繞膝行看杖履隨傍

晚欲眠眠不得
嗚嗚催我夢題詩

甲戌年元旦試筆

耿耿星河未曙天
近城爆竹已喧闐
老人欲睡睡難穩
鼓起精神學少年
四朝雨露恩何厚
七十年華古所稀
拜起不須爲撰杖
邇來行步尚如飛
中秋對月感懷

蓬蒿高臥掩柴荆
海內能餘幾弟兄
白髮已呼前進士
青氍還是老書生
自憐馬齒隨年長
但望豚兒及早成
佳節易過歡會少
一輪好月共誰明

重陽後雨中看菊

連朝不斷濕霖雨
辜負重陽高未登
有意簪花慙老髮
無人送酒憶良朋
高風爲愛陶彭澤
鄉味偏宜張季鷹
莫謂東籬多冷淡
微霜特立有誰能

書懷

老來底用費經營
過眼雲煙萬事輕
頗有簡編消歲月
每逢野老話陰晴
白頭

野趣園詩文集

卷上

十二

但拚尊前醉青史
何須身後名
二頃良田給體粥
東坡心願足生平

歲暮諸生多以脩脯見貽用佐薪水時讀淵明集戲仿其體

歸來二十載
邈與世情疏
垂老筋力盡
不克把犁鋤
何事以代耕
硯田反厥初
窮巷園蓬蒿
時停問字車
謂我忝科名
曾讀中秘書
老眼幸未昏
前途或識諸斯道
本無隱降才
豈爾殊繩墨
難改陳言必掃除
灼灼桃李花
春風時吹噓
嬌嬌雲中翮
相期萬里餘
吾少起寒微
叨食天家糈
賴此舊青氍
悠悠林下居
俯仰天地寬
閒雲自卷舒
薄醉發微吟
其樂更何如

再赴大同書院口占

豪華依然馬首東
光陰過眼太匆匆
寒窗盡是青雲客
寶榻重來白髮翁
會看黃花催伏雨
好攀丹桂向秋風
老來欲把金針度
自笑驚鷺繡不工

除夕口占

東風料峭轉增寒
臘鼓聲中歲又闌
身自蹉跎心自壯
老年所幸是平安

婚嫁何時了向平半生兒女最關情那知七十龍鍾更又嗚嗚弄瓦聲
青燈有味欣相對白髮無情奈爾何不復與人談甲子算來未契已無多
飲罷屠蘇萬念消晨鐘未動是今宵衣裳檢點休顧倒猶似當年候早朝

元旦試筆 二年丙子

殘臘尙餘風料峭新正難得日清明一年氣象占元旦四海人心望太平敢謂
是翁猶鑒鑒肯於世事費經營眼前但盼一犁雨課讀邇來兼課耕

書院口占

霜鬢飄蕭笑此生涯一口研田中及門舊雨兼新雨沿路南風更北風願我
龍鍾偏忘老問誰讀舊正摩空文章莫謂終無價須向寒窗早用功

口占疊前韻

曾記東華踏軟紅又驅野馬向春風頭銜合畧村夫子面目久爲田舍翁幸免
塵囂來耳畔尙餘書味在胸中家中攜得兔園冊四載於茲作漁公

野趣園詩文集

卷上

十三

九女將賦于歸中秋對月口占

身經七十六中秋婚嫁累人到白頭柳絮聯吟情宛轉桃天感賦語綢繆歸來
陶令貧無恙老去向平願未酬正是團圓好時節知他明月滿秦樓

其二

久旱田禾幸晚成一家八口費經營粧奩草草無長物兒女依依有至情秋色
撩人猶旖旎夜光如水正澄澈養年心事知多久又待門前百輛迎

其三

涼露團圓夜滿院歡呼笑語聲兒女情懷垂老念百年卜得鳳和鳴

秋末夏津道上口占

垂老經年不入城無端樓被又過征車中問生無聊甚且喜吟詩句易成
一幅殘秋好畫圖前途不川問征夫行小住看秋色攜得豚兒當杖扶

衰柳斜陽古道旁半含鴨綠半鵝黃客心且莫悲搖落便作濃春也不妨

秋末曉行

遙指荒城曉曉鴉半生作客館爲家分明指與天台路不見有人折桂花

秋末感懷兼寄與堂明府

非關老去易悲秋離索情懷不自由好友無多憑屈指華年難再怕回頭春明
夢逐浮雲散宦海波隨逝水流聞道元龍豪似昔每於百尺望高樓白詩年開第
七夜屈指幾

多人

其二

年年客裏館爲家桃李滿門敢自誇謬以丹鉛操月旦早將身世付煙霞浪遊
尙記鴻泥遍壯志無如馬齒加一語寄君相慰藉看書老眼未昏花

和祥鴻吟原韻

哀鳴嗷嗷到公前雲霧初開始見天待哺幾曾沾實惠來賓可惜是荒年高秋

野趣園詩文集

卷上

十四

振羽程方遠矮屋昂頭月正圓中澤誰爲安集策莫將獻頌共爭先

弔陳石琴

半世論交見性情潯然老淚爲頻傾清談自此失良友末契安能託後生鴻爪
猶存倍珍惜令原在望尚崢嶸不須伯道愁無子千里遙聞離鳳聲

除夕口占

歲月堂堂殘臘盡一年百事支吾門前已是春聯換尙有人來索債無
兒女爭分帶歲錢懷聲雅齋鳥綿蠻而翁也自忘衰老爆竹聲中未肯眠

以詩學語故
以繪畫爲之

故人千里寄雙魚念我衰殘間起居白笑未能忘結習短檠猶擁案頭書

信來

薄宦歸來學種田半由人力半由天歲終喜得見三白料道新年勝舊年

兩次

七月睡起偶成

飯後無聊一覺眠西風颯颯早秋天老來博得團圓樂嬌女癡兒滿眼前

初春試筆時春陰微雨喜而有賦 丁丑

七句碌碌成何事自笑未忘輸是緣食指累人餘膏價吟毫催我試新年乞言
敢謂稱三老遺興惟宜手一編喜得東風送微雨麥田含潤綠生煙

次日再疊前韻

高風真不讓前賢也是孤寒三十年嬌女癡兒足娛老粗茶淡飯總隨緣苦無
舊雨新杯酒時趁春風度陌阡屈指杖朝期又近其然還慮豈其然

新正晦日偶成

東風拂面轉增寒節序叙叙月又闌賴有舊醅供晚醉喜將早韭助春盤年衰
漸覺交游少虛淡常令胸次寬正是東郊農事起閒來扶杖隴頭看

野趣園詩文集

卷上

十五

津門留別

一笑出門忘白頭桃花春水送行舟關河迢遞逾千里泥雪糝糊幾幾秋功勳
鼎鼎飲上相誼敦車笠重交游園中兒女應相憶倦鳥思還不自由

重九遺興

九秋無雨亦無霜何處東籬菊正黃不是出門風落帽幾忘今日是重陽
老年霜鬢日蕭蕭詩思酒懷兩不豪惟有閒情消未盡猶堪乘興一登高

送酒無人故舊稀田家作樂事全非 農功完備向來陶陶樂神飲酒爲樂近
來雨晴不時度及頻呼無此共食矣 催租偏趁

秋風早不管人家未授衣

八月秋風早呼甚急不
節近節陽方用詩興也

中秋雨中紀事

去年早既大其年雨頗密是年秋亦可不意六
月開闢月不雨早集又成忽而雨然故喜而誌之

久旱逢甘雨古人曾有詩譬如解倒懸不言喜可知我自賦歸田農圃皆吾師
問雨兼課時望歲日華華去年遺早越播種全愆期嗷嗷哀鴻鳴卜室九斷炊

野趣園詩文集

上憲軫民瘼經糴紆籌思擬井以澈田謂富饒滋 惠蠲十畝蠲一井徑至二丈不見
數畝以區田法尤良前人豈我欺 區田之法每畝散給 有地但裁桑不必問土
宜 蠲後桑之利計有十條 紛紛肉食謀無與民嗜饒延至五月皇天垂仁慈疊
次沛甘霖秋收亦不抵今春農事興好雨頤及時望杏而開田臺笠滿東甬日
至麥皆熟餬口欣有資滿望大秋成綏豐樂熙熙不謂三伏中烈日皆晴曬火
傘當空張炎炎不可支微雨方灑塵捲地風來吹奇峯起牛天飄飄任所之蒿
目阡陌間人力安所施奄奄至中秋父老空嗟咨是夕當三五好月應如規午
后陰沈沈油雲陡四垂離風滿樓點點雨散絲初勢猶纖纖俄爲劇淋漓不
見湧冰輪傾耳夜何其殘滴響茅簷積水浸階墀潤苗雖云晚種麥未爲遲人
心一快然爲傾酒滿冠我老百無能擊壤尙可爲賞雨富玩月清興總如斯醉
後發狂歌不禁暢厥辭

野趣園詩文集

卷上

十六

城南別墅看菊花

黃花初綻未離披已過重陽十日期任令羣芳爭附熱斷無隱逸肯隨時炎涼
世態霜能傲冷淡交情蝶不知先澤猶存思手植幾番吟賞向東籬 劉聖菊詩曾
六十年矣 先人所遺今

其二

廿年栖息在煙霞晚節猶香敢自誇何必悲秋追杜老爲思乘興問陶家故鄉
幸甚尊罍願續羞稱桃李花欲問舊交談往事半爲宿草半天涯

其三

暮雨 中秋前後至此月未見消雲盡其五更酒酒有聲經未深邊亦可喜也
曉色上疎簾誰能慰黑甜猶疑風料峭俄訝雨廉纖傾耳頻移枕關心尙滴檐
老人方望歲是否得優沾

其四

不雨動經月雪塵滿道途寒催梧葉下潤入麥苗蘇少慰雲霓望能無度癸呼

田原深幾許含笑問農夫

七十七歲生日口占

又是懸弧日雲陰小雪天俗情聊復爾老興尚依然稱祝爲兒女開行向陌阡
柴門無買客一醉且高眠

余嘉慶戊寅人學今光緒戊寅矣六十年來忽忽如夢追念同人無一存

者爰賦二律寄興亦寄慨也

記者青衿正少年一學期十八人增州雪泥鴻爪付雲烟愛官再到無同輩泮水重
游盡后賈笑向諸生居領袖敢言平地作神仙芹香滿把渾如夢爲問誰將衣
鉢傳

其二

彈指聲中六十年早朝曾帶御爐煙浪游宦海嗟余老得入宮牆望子賢世事
於今皆嚼蠟豪情當日擬登仙鹿鳴倫許微天幸應作吾鄉佳話傳

野趣園詩文集

卷上

十七

除夕口占

逢人到處呼庚癸株守寒甍况老夫我欲送窮窮不去一年容易換桃符
子產濟人焉得獨黔敖爲食苦無多煩聲未作怨聲起鴻雁嗷嗷奈爾何
歲暮
年迫

飢饉相望州尊於大倉收養貧民來者填塞
復出示禁止閉城驅逐而凍斃者亦復不少

連日天邊雲濛濛一宵門外雪成山歲終喜得豐年兆廣厦何須千萬間
爲逐新年別舊年夜深兒女話燈前索梨羹尋常事還要爲分帶錢

戊寅初春試筆

兒時每喜逢新序老去心情殊不然人謂是翁猶矍鑠我於世故懶周旋門栽
桃李宜今日手采棠芹憶昔年杯酒欲銜懷舊友可能追步到林泉

偶成 重赴許宮詩前既成而不盡之意再賦一律

六十餘年老秀才簪毫曾記到蓬萊冷燭閱盡人情變兒女滿前笑口開負郭

有田宜早種小園無樹不親栽柴門久被蓬蒿掩訝是何人問字來

七十八歲壽辰及門攜酒爲祝口占二律

老還已婆娑懸弧日又過八旬知不遠百歲竟如何身是遠蓬客家居安樂窩
尊前莫醉醉地下故人多

其二

好是寒梅放堂中笑語溫稱觴無熱客機杖有曾孫談藝心猶壯看書眼未昏
春風誰共坐桃李正盈門

除夕口占

三冬日日皆晴霽陌上露塵欲障天俄訝瓊瑤鋪滿地喜從今夕卜豐年

戊寅九日風雨交加林木爲摧獨坐無聊因成一律

果然風雨近重陽達旦通宵勢太狂正訝傾盆如倒瀉俄驚拔木忽飛揚歸鴉
零散難成陣落葉蕭蕭不待霜野老關心緣底事尙餘禾稼未登場

野趣園詩文集

卷上

十八

其二

衰年無復登高興寂寞情懷只自知幾日納涼開北牖空思攜酒向東籬樓船
橫槳情何壯窮巷苦書梅已遲獨坐吟成聊自遣聽他門外正淋漓

戊寅除夕口占

半載頻聞庚癸呼秋成民困未全瘳因慶縱可致三百抵得春來積欠無
屈指故交眞落落回頭往事總陳陳閒來且自攤書坐不友今人友古人
壯歲安知稼穡艱南游江潯北長安倦來始作歸田計那識田家度日難
老去衣冠不入時人情今昔迥參差欲談七十年前事大半搖頭說不知

已卯初春試筆

平生結習未能除試筆又從一歲初新序應酬聊復爾時光迅速待何如談文
尙覺精神健涉世終慚智慮疎連日春風送寒去幾多桃李待吹噓

偶成

坐臥一編常在手行游百事不關心春風到處皆生趣覺得新詩且朗吟
飢來吃飯倦時眠俛老曾聞有秘傳悟得行雲流水意人生何處不神仙

己卯除夕雜咏

兩鬢霜華老更新礪溪垂釣是何人書生那有鷹揚氣虛度遐齡八十春
學圃學農都不成一家八口費經營算來終歲無他樂贏得滿堂笑語聲
人座芹香並桂香及門先後有輝光青雲得意願程遠異日休荒陸氏莊
門外瓊瑤獨隔阡喜從騰壺卜豐年農人更有關心處最好滋培是麥田

庚辰元夕得孫喜而成句

老蚌明珠昔已遲又看庭樹長孫枝半生壯志無他望百歲貽謀有所思願我
精神猶矍鑠憐兒形貌尚岐嶷元宵正值添丁喜試筆欣成第一詩

辛巳初春試筆

八旬忽忽又經年九秩初開五福全人謂是翁猶矍鑠我於世故懶周旋幸無

野趣園詩文集

卷上

十九

芥蒂留胸內自有兒孫慰眼前捧架牙籤堪佚老問誰相訪到林泉
按十年爲一
秋白詩年開
第七條增幾多人
十二歲之元旦日詩也

爲袁叔弼題畫

余生半性喜吟詠興寄所託輒成小什雖不能工聊以自娛耳今年
己及髮益復疎懶偶爾得句不能成章庚辰夏日叔弼兄以長卷
索題展閱之餘見其布置有法秀骨天成不禁吟興之勃發也爰綴
數言附諸卷末謂之詩也可即不謂之詩也亦何不可

平日學詩未學畫今吾讀畫如讀詩詩人妙來有畫意畫於工處具詩思有筆
有墨乃作者天分學力須兼之南宗北宗各分派意匠經營無不貫徹西濱
有老友一時畫家推高手奇峭直逼倪雲林蘊藉渾如黃子久數年前已歸道
山後屢追步今無有筆墨流落雖無多猶復藉藉在人口袁君意趣由天然此
生結得山水緣筆所未到氣已到各家衣鉢會其全遠山磅礴幾千里奇峯突

兀面前起村墟落雜雲煙人物生動皆可喜畫意離奇總入妙詩筆描摹未
相肖信口吟成富贈言老筆相唐休見笑

除夕雜咏

白頭猶許魁多士壯志何曾讓少年我亦八旬頑且健惟知飽飯與安眠
三兒也此樹三珠學稼未能且讀書白髮淵明曾責子老來何不任糊塗
傳酒論文無幾輩故交歷歷念平生欲將未契託年少相見無如忘姓名
老年
忘
相見者不復
記其姓名矣

壬午中秋夜坐

年垂九十身猶健飽食安眠未足奇爲愛讀書常握卷偶然得句也吟詩杖藜
來往無多處杯酒縱橫憶昔時丹桂一輪香正滿是誰攀折最高枝
時正
秋試

癸未春暖及門連日人館口占一律
粟六半生亦壯哉南游吳越北燕臺晚年不作青雲想春日依然綠帳開漫謂

野趣園詩文集

卷上

二十一

文章無定價最難教育得英才柴門久掩車偏駐連日有人問字來

甲申立春偶成

三冬碌碌又初春霜雪儼隨節序新鳩杖不扶偏耐老狐裘雖敝恰宜身浮沉
宦海原無夢作息田家尚有鄰賀客連朝相慰問眼中都是少年人
一冬晴霽未大苦寒而麥田無雪殊不宜也再疊前韻以成一律
一年忽忽又逢春厚擁孤裘未去身園巷桃符應換舊兒童竹馬已迎新文章
著述知誰是筆墨生涯直到今八秩已過九秩敢髦期能勿倦於勤
歲暮遺興

春信已來臘未過跌丸日月迅如梭三冬眠食欣無恙百歲光陰欠不多遺興
猶須親筆墨駐防曾記稱干戈癡情欲向前途問可許鹿鳴詩再歌